

NODAK Color Control Patches  
© The Triften Company, 2000  
LICENSED PRODUCT



A 1 2 3 4 5 6 M 8 9 10 11 12 13 14 15 B 17 18 19



大泉行

單

ル 4  
1356

廿五九



門凡呂  
編 1.350  
卷

# 大泉行

大泉行

克庵居士著

巳六月十四日晴發水原二里抵飯山村臨福湖

周回十餘里本州第一之大湖也中通村有茶店飼

一巨熊大如牛然能馴予視其掌不覺涎流頤至天

王村賽天王祠抵飯嶋村頓食焉至佐々木山泊市

嶋二郎八石夜微酌

零露溥兮夜氣清微醺尋句月庭行松篁無響輕

風勢靜看孤螢渡豆棚

十五日晴經真野松林渡津川加治飮真野原歷米古稻

大泉行



荷岡等諸村。抵堀切橋。前後大喧囂。聞善光寺  
如來。將赴乙寺。廝奴張暴威。亂擊土人。土人怒拘之。  
爭訟不息。遂出謝書而行云。右折公堤上。過苞橋。至  
金子村。訪白勢長兵衛。巨豪也。今日里程四堀。  
此邊古為大湖。近古鑿山。注湖水於海。爾來追年為  
井落。今已至數十村云。溝洫縱橫。美田彌望。所謂紫  
雲寺新田者是也。

十六日。大雷雨。逗轄。

十七日。陰。辭金子。至中條驛。五百戶訪須貝四兵衛。泊肴  
樓。夜雨。

十八日。陰。去中條。半里到西條。訪丹吳平兵衛。不遇。涉  
胎內川。中河逢雨。衣裳淋漓。抵地本村。泊河內長七  
家。河內定太郎。長七家其他諸子。秉欸。長七頗慷慨。有  
任氣。方修。皇國史策。自云。晚學。是故力不及。涉獵  
漢藉也。

十九日。為雨。不行。

廿日。晴。辭地本。長七諸子。送到河梁。可里。到荒井濱。訪  
某氏。不遇。抵乙乙山古刹也。大日如來。靈驗殊勝。四  
方渴仰。香花不絕。又有龙眼佛舍利。傳云。印度僧某  
所齎。禾物也。宿逆旅。善光寺如來。聞張以今日闔

靡。緇流雜還。不能寢。

廿一日晴。大炎。取路海老江。遂到大津。小點食焉。羽榎。訪国井伴之丞。渡荒川。入平林驛。炊烟蕭疎。投木村善四郎家。夜話。

廿二日晴。去平林。藤介正理送到閉門。途訪齊藤清左衛門。可二里。入赤谷村。訪新野三介。齡八十餘。

廿三日晴。發赤谷。抵下關驛。八十訪渡邊三左衛門。舊族也。主人遊學米澤十年餘。其人自帶藩士風。且聞米澤侯待渡邊氏殊厚矣。觀不識庵公之書。係贈菽原主稅之尺牘。筆鋒飛動。公之雄武。觀書亦可知也。

主人号松下堂。夜話其茶寮。

廿四日晴。大炎。遊上關。訪渡邊鄉左衛門。号右琴能人也抵雲

母浴温泉。又抵湯澤。温泉在溪口。浴後蓐石上酌麴。

懷頓忘。歸。送旅已點燈。今日里程合一里而近矣。二

泉皆隔荒川在焉。夜小飲。

廿五日晴。之渡。辺氏觀諸幅及什器。不可以數算。就中

係米澤侯之賜者多矣。夜醺。會者十人許。

廿六日晴。送旅主人。能号如折人也閱筵。佐藤又介。如折家未會。

又介者。須貝四兵衛弟。而贅此家者也。遊桂巖寺。和

尚風流。善喫盤若湯。

本地鎮護神。曰大倉大明神。祭祀年代不可攷。老杉皆十圍。其為舊祀固不待言也。傳云。往古有瞽者。失路入深山。夜半彈琵琶。時有一婦。來聽久之。大感其曲。遂為瞽者導而至人家。臨別語曰。吾是非人性。所接此山老蟒也。吾夙欲湛溜溪泉於此谷中。為大湖也。汝必勿以語人。若漏片言。汝命且夕絕之。忽然不見。影響。瞽者大懼。遂語人而死。今所祀之神主者。其琵琶也。云々。

泂關驛數十村在焉。惣稱關谷。四山重疊矣。八口村有雷大明神。収八幡義家公之佩刀。曩時盜竊之。賣

市肆。主受崇。轉賣又崇。今復舊云。某村有安部二任隸胤。今見存矣。

廿七日陰。去關。諸子送別里。閉一里。抵大嶋。買船下荒

川。三里至海老江。上米山樓。註人名



廿八日晴。午遊桃崎。相伴者三四輩。

廿九日晴。又介如柳。至自關。夜飲。余聞海浦之風光久矣。此役欲果素思。且東水原諸子。將以明日開帆。夜整行裝。

晦晴。逆風不可舟。令鐵童子歸水原。

七月朔。晴。開帆。走數里。洋面忽風息。恬靜似湖。小艇之

世川浦古集  
中塚生写



打魚翻如葉。遠帆之不動。疑粘空。佐州之翠螺。青鳴之鬢髻。嫣然如笑。余頑舟入瀨波川。浦渚泊檣數隻。各自卸板打魚。自挑荷至此。陸行三里云。

二日晴。乘曉嵐。開飄走數里。朝曦出。海面燦然。宛似撒布錦繡。奪目不可直視也。已抵馬下村。行旅至此下馬而步。如失一步。忽粉壑。近來鑿巖造洞門云。船着笠川。海浦之勝。始此。


卸所謂板舟者。特予與舟子耳。舟沿崖巖。削巖絕壁。鋒拔盤起。楫隨轉。景亦隨轉。巖骨蕭疎。莓苔半掩。有似道人斜脫烏巾者。磯濤激發。飛瀾如雪。有似縉紳

拱立廟堂者。狂瀾吐吞。似飛嘴者。平礁羅列。似茵蓐者。有焉。又有竈巖者。其中昏黑。投之以物。鏘然有響。出竈而視。筋斗如鸕鷀。乃浦人沒瀾探石。夾明也。乃就巖上擊膾。其味絕美。

見如洞門者。僅臨之。涼氣撲面出。掬水其冽如斫。蓋有清泉涌出也。又側見大竅。蝙蝠多棲。飛翔不可近焉。有狻猊岩者。其色綠藍。自帶梟獍之勢。右顧左盼。漸入巖峽。潮水澄徹。雖鍼毛可辨。又就漁舟買魚。平生枯腸。至此頓覺肥膩。

又見如觀闕者。舟可四達。入闕垂釣。小魚或上。其側

其二





有如柱梁者。高數十丈。矮松叢生。鵲鷹巢焉。大抵岩上松株。為海氣壓。不能伸。叢叢如菜。遠望如翠幕也。又有如奔馬趨槽者。如狂虎脫闌者。如千楹者。如屋宅者。其他如樓如榭。如臼如窠。凹然凸然。窪然注然。突然窅然。千態萬像。其奇觀不可以言也。日脚已短。舟子促歸。忽上本船。

開帆走可里。見蓬萊巖。


屬賜川村鋒立岩。

屋根八幡巖。碁石等

各橫踞海濤中。亦奇觀也。晚抵嵐關。有天女廟。突出海中。廟前後危礁羅列。就其深而卸錨。本地係羽越州界。故置關焉。關之設舊矣。年代不可攷。夜上岸。

泊漁家。蘆衣草枕。夢魂不穩。起推竇戶。天將向曉。星斗含山。漁篝照洋。想像楓槁。夜泊之懷。

三日晴。拂曉拔錨。僅離浦嘴。帆腹飽孕。其疾如箭。飛瀾灑衣。滿身淋漓。時看朝暎出。天地金一色。忽訝身坐瑠璃界。決皆認得如城闕者。不知其何等處也。既而入鴨浦。赤脚舖丁。乘小舟來迨上岸。舖主出勸祝酒。時已牌也。自兼關至此十里強。向之所見者。蓋鴨港也。藤井對岳。未款相伴遊。少林禪寺。大屋鷗榭。其他諸彥相踵至。對岳者。酒田人。有故住鴨。性風流。且多能。可憐生也。長澤長左衛門。乞亭号。乃書顧渚館之



大泉行

九

三字贈之。

四日晴。與諸子遊少林寺。歸途登溫泉樓。蓋鴨之為港。縱橫三四町。人戶四百許。然而宿錨如麻。繫纜極便。故也。且大山之諸釀。輸諸列者。自茲而登舟。且人影絡繹矣。

千鐘萬斛釀未夥。言是鴨津幸清水。吾輩如今提此醞。飄遊大八洲之裏。

五日晴。少林寺僧饗予。欲將明日入鶴岡城。與對岳醉別。今夕為對岳。作古柳亭記。

六日晴。發鴨一里抵大山。此間山路絕頂。眼界頗豁。頗

茶店。賒諸釀而嘗之。比飲於新瀉者。頗冽。但辭味者輸矣。買馬一里。入鶴城。七日街。泊伊勢亭。本城者。酒井侯治焉。宜矣哉。其繁昌。閭戶。蓋一萬五六千。

七日。晴訪深澤與兵衛。号清。風軒。午後移居吉川樓。遇一浮圖。酒田人也。清風主人。風雅沈實。

八日雨。買舟下梵字川。七里。晚上酒田港荒街。泊播列樓。遇画工竹城。葛城氏。京人。訪大信寺。号耕。月。頗風致。遇林臯

桐崎氏。善鐵筆。為耕月上人。作清練堂記。今不復贅之。

九日晴。至十二日。登山王臺。市廛繞脚下。泊艤壓海口。登下晴臺。眼界益開。湯殿月山。擢拔雲外。翠黛可撫。



本地者。當時本在某之所。據其城稱龜崎。今屬酒井  
侯之轄內。若夫阡陌之稠密。屋宇之清潔者。為羽州  
之巨擘云。

十二日晴。移居大信寺。至十八日。竹城林臯及森春圃  
等時。未語。予此行也。會酷炎節。遂引起痼疾。大患  
之。且諸氏求乞。日夕不絕。連日揮灑。腕亦殆脫。却一  
日。某樓觀于蘭盆踊。

絳袖翠裙。紛似雲團。舞蹈去氛氲。山王臺下。班  
鷄隊。薩埵堂前。扮蟹軍。

打沙鷄。扮遊行衲。黃髮婆粧。褻裏娘。別有稱名私

窠子。黥顏。湮得崑崙坊。

欄如垂字屋。如金銀燭玉盤。藉似林中。有豪家稱  
梵麼。微行混隊。賽觀音。




團々舞去。滿街香杖者。垂髻喜欲狂。只有荒涼依  
舊處。龜碕城上月如霜。

于蘭盆會。早將回。何事愆期。即不來。滿懷忡心。無  
所放。賺兒重上卜晴臺。

落月含檐。冷曉風。試敲角枕。倚窻櫺。巷頭人散。屐  
聲寂。隔水幽聞。啼露蟲。

十九日晴。與諸子別乘船。林臯父子。竹城春圃。送到船

其五



大泉行  
場。三里抵猪子村。餘茶店。亭午也。

水樹迤邐。淡若烟。阪田定在那雲邊。昨宵錄事街頭酒。到飯顯山猶赧然。

晡時。達鶴城下。泊大米樓。街有

廿日晴。訪深澤與兵衛。夜觀盆踊者。街中如狂。日夜聞喧。殆如都下神田山王之祭祀。

廿一日晴。春圃。至自酒田。深澤與兵工未話。夜飲其家。遇荒井傳右工門。心學

廿二日晴。春圃告別。歸于酒田。與兵工未約招飲。夜至其家。遇上野源大夫。都丸廣次。渡辺吉郎。太皆固侯。

都講也。為主人作清風軒記。今不復贅之。

廿三日晴。上野源大夫未話。自言當年遊于松嶋。視其紀行及象浮圖。酒田諸彦又未會。夜大酌觀舞蹈。

鶴城盆會何其盛。市尹新令下豔政。十二街中傳飛檄。云是今年嬌舞競。匆忙走奴裁。繡衣戲團分。隊學衛鄭。昨日硬腕抹粉膩。忽驚索顏變明靚。裊裊舞月霓裳曲。冶容錯襪六么行。彩笠翻處響玲瓏。歌聲涌邊香霧迸。鹵簿光景摸帝州。警蹕行伍擬貔貅。姊妹女伴賽淡鳴。葦葦蕪誘春遊。櫻花爛熳墨水店。雜芳馥郁神田阪。小父吾疑毛乃豔。



嵐閣写真自画

怪崑如攫拔直立

壓灣深蕭矣天妃

閣遙然對嵐閣

宮村正題






舞雀戀著曹司牛。菟道々中茶芽秀。揚柳綠邊繫  
彩舟。牧童高砂百人首。酉市扇屋裸比丘。此般工  
夫徹骨髓。觀者如山曷采咻。千奇万妙續々出。誇  
言此調在內流。今茲安政第四秋。我航海至于鴨  
浦。掩留把盃蟹蟹家。有人為我說雀府。魂飛神揚  
不可留。策馬直欲遍出羽。會為痼疾卧旗亭。偃僕  
却得此快覩。君不見今年仲夏水潦甚。諸刃無處  
不汪洋。群黎奔走日續夜。百方千計繕隄防。漸至  
晚夏水痕退。始覺得不肥魚腸。人氣稍定天氣順。  
田々穰熟將黃。國侯儲君以此際。述職新至自

武藏。桓々壯士從鷓列。子々千旄多高驥。爪牙老  
宰騰騎處。闕如虓虎溫春芳。擁護此君顯天下。輔  
翼幕府鎮北方。臣忠君禮兩合道。長使北海妖霧  
掃。國民擊壤祝太平。明年定是田生藁。此般舞蹈  
君非樂。自民樂之君亦好。克庵居士聞此言。起引  
孤燈記草々。曉來拭眼開窓櫺。鳥海當戶聳蒼昊  
諸子。唱和徹曉。

廿四日晴。辞鶴城。深澤與兵衛送到郊外。二里抵大山。  
就店小點食焉。買馬日暮入鴨泊。送旅。

廿五日晴。瘴氣復發。對岳大驚。奔走求醫藥。與兵衛至

明州加茂浦  
寫真崇山



自鶴城大屋鷗榭秋野某松山道善等各來訪自是湯藥不絕至八月四日陰晴。

寄題正法寺

鬱勃篔簹叢西又東鳳凰閣秀翠雲中石鯨吼處高秋氣墨蛟蟠邊腥梵宮夜半時聞佛法鳥午間只看讀經童遇僧將欲參禪去捲樹天風下碧穹。

五日晴病間可徐步講經大屋氏家諸子來會竹城林臯自酒田來訪午後輿遊安良崎奇巖絕佳夜諸子會應大屋氏需作亭号及書畫冊子之題言。

六日晴講經至十二日連日揮灑一日遊湯濱溫泉。

十三日晴祖筵午後至今泉買舟大屋鷗榭藤井對岳送到干此舟行三里着由良村可半里至三瀨驛陸行二里半抵濱溫海此間山路升降泊旗亭。

蚤風吹髮海墩收唯見波間星斗浮借間西天青一髮佐州或是粟生洲。

十四日晴買馬二里半至鬣關一里半抵大川又買舟海程七里至瀨波已三更投亭長家宿焉。

十五日陰八町抵村上城三千戶許內藤侯治焉一里半抵巖舟館肆買馬一里抵塩谷驛買舟入海老江米山樓主婦出祝安穩。

まちびんまの  
たまりに  
いさよのね  
去後の花を  
見きると  
つけてよ  
橋中邦昌



外城堤之  
園解尾



繰船無数賞花時一曲  
唱歌春日遅不用醉  
未移棹去悠悠波水任  
風吹 熊雪洲

十六日晴。留轄。

十七日晴。經乙村。荒井濱。笹口濱。抵中村濱。泊佐藤三郎左衛門家。主人壯年。多技多藝。夜唱酬。

激浪蹙天海。驟沒羸駝。日暮未行休。漢儒頻費擯。夷策蕃客空窮輿。地毳兵備茫。蛇畫足。廟謨往。殺迷丘。何時喚起弘安政。掃除醜氛淨帝州。

遇岡田錠二郎。浦賀人。修西洋砲術。痼疾復發。主人命鑿藥。至廿三日。

廿四日晴。少愈。辭中村。一里抵村松濱。訪平野多七。宿焉。主人善文章兼善畫。

廿五日雨。留策。訪平野安之丞。

廿六日晴。辭村松。主人命馬。二里抵真野。宿旗亭。

廿七日晴。取路新發田。頓食焉。輿疾。日暮入水原。

外城儼居雜詠

四山木落冷郊坵。不似春來去踏青。課畢兒童無一事。時呼蓬筍掃門庭。

秋深井落忙收穫。日暮夫妻猶在畦。只有兒童不關事。穿牆渡水鬪家雞。

又遭府鼓破朝眠。草閣開窗汲甕泉。籬外菊輪大如斗。簷頭柿葉赧將然。

朝來酤得銀鱗肥。醉直將忘昨非。枕上忽驚添  
園夢。駢闐搗鼓日僧歸。

枯藤木屐伴同班。趁午暮秋霜後山。乾葉毛鷄飄  
錦繡。白雲線若絡孱顏。

漏樹篝燈秋色老。映溪星斗夜光高。蒙頭破衲寒  
稍夥。又促花奴開麴槽。

燕移鳩住幾春秋。適意何邊不帝州。心憤貧居甘  
隘拙。氣從羈旅足溫柔。綿衣蔬飯任人供。市脯村  
釀有客羞。恰好久霖新霽後。明窻烘背靜梳頭。

瓢湖春詠

酒伴妓班隊。過櫻波。熙日簇香羅。花間翠幔知  
誰醺。本地豪家一志摩。

赫鞭白馬映連漪。知是王孫趁曉曦。拈得小枝掛  
鞍上。一雙嬌蝶戀相隨。

橫斜蘸影波如錦。遊艇撐邊蘆淦淦。水滸傳他烹  
飪未。茅亭又縱通宵飲。

倒影垂池浴艷姿。櫻雲白抹夜光遲。殘尊未罄更  
猶淺。賞至東山月上時。

野調俚曲似群鴉。盡日堤頭俗了花。何者夜闌未  
樹下。玉簫吹徹月光斜。

花氣薰人。夜色媚春光。正是最象天。大雲寺畔。醉  
醺舍。未倒杖頭三大錢。

袈裟影映翠紅綾。醉擁歌姬。欄曲凭。飲酒壘魚。皆  
破戒。乃言我是在家僧。

鳳鳥不栖百武園。任他蝙蝠舞藩垣。只憐一個天  
狗爺。蘿菟亭頭搔醉髮。

陶朱倚頓何堪數。七個富豪壓越州。憐殺將他翻  
海力。曾無一個識潛虬。

大泉行 終

